

၃ ယောဟန် ယောဟန်ဆေမှ တတိယပေးစာ နိဒါန်း

ယောဟန်ဆေမှ တတိယပေးစာ ဟု ခရစ်တော် မွေးဖွား ပင်းနောက် ၅၀ နဲ့ ၁၀၀ ခုနှစ်ကြားတွင် တမန်တော် ယောဟန်ဟု ရေးသားခဲ့အယ်။ ယောဟန်ဟု သူ့တတ်တိုင်း စာရေးဆရာလို့ မသတ်မှတ်ဘဲ အဲအစား သူ့ကိုယ်သူ အသက်ကြီးသူလို့ ခေါ်အယ် (၁.၁)။ ယောဟန် ဒုတိယ စာစောင် (၂ ယော ၁.၁) တွင် သူဟု အလားတူပင် ဖြစ်အယ်။ ဖက်မြို့တွင် နေထိုင်စဉ် ယောဟန်ဟု ယောဟန် ခရစ်ဝင်ကျမ်းနဲ့ ယောဟန် ပထမ ပေးစာ၊ ယောဟန် ဒုတိယ ပေးစာနဲ့ ယောဟန် တတိယ ပေးစာ ခရစ်ဝင်ကျမ်း သုံးစောင်ကို ရေးခဲ့အယ်ဟု ယုံကြည်ကြအယ်။

ယောဟန်ဟု ဂါယု နာမယ် ဆိုသော ယုံကြည်သူဆေ ဟေစာကို ရေးခဲ့အယ်။ သူဟု ဂါယုအား သူငယ်ချင်းဆေ လိပ်မူထားပင်း အေးဒေသတဆောက် ခရီးသွားနေသော ခရစ်ယာန် ညီအကိုများကို ဧည့်ဝတ်ကျေပွန်ရန် ညွှန်ကြား ထားအယ်။

အကျောန်းအရာ အကျဉ်းချုပ်

၁။ ယောဟန်ဟု သူရဲ့ စာစောင်ကို မိတ်ဆက်ပေးအယ် (၁.၁)

၂။ အဲပင်းရင် ဂါယုဟို ခွန်အားပေးပင်း ညီအကိုများ
အား ဧည့်ဝတ်ပြုရန် ညွှန်ကြားခဲ့အယ် (၁.၂-၈)

၃။ အဲပင်းနောက်၊ သူဟ အခြားလူနေယောက် ဖြစ်လဲ့ ဒ
ယောတရပ်နဲ့ ဒေမေတရီ အကျောန်းဟို ပြောပြအယ်
(၁.၉-၁၂)

၄။ နောက်ဆုံးမှာ၊ သူရဲ့ စာဟို အပီးသတ်အယ် (၁.၁၃-
၁၄)

¹ အသက်ကြီးသူ ဖြစ်သော ငါဟ —

သမ္မာတရားနှိုက် ငါချစ်လဲ့ ချစ်သော ဂါယုဆေဟို
စာရေးလိုက်အယ်။

² ချစ်ရသော မိတ်ဆွေ၊ နင့်ရဲ့ စိတ်ဝိညာဉ် ကြီးပွားသလို
မျိုး နင်ဟ အရာရာနှိုက် ကြီးပွားယွေ့ ကျန်းမာပါစေဟု ငါ
ဆုတောင်းအယ်။

³ နင်ဟ သမ္မာတရားနှိုက် အသက်ဆိုင် ဆွေကလမ်း
နေလဲ့အလျောက် ညီအကို မောင်နှမအချို့လို့ဟ လာယွေ့
နင်နှိုက်ဆီသော သမ္မာတရားအကျောန်းဟို သက်သေခံ
ကြသောအခါ ငါဟ ရမ်းဆွ့ ဝမ်းမြောက်အယ်။

⁴ ငါ့လူပဲ့သငယ်လို့ဟ သမ္မာတရားနှိုက် အသက်ဆိုင်
ဆွေကလမ်းနေကျောန်းဟို ကြားရတာထက် ဝမ်းမြောက်
စရာ ကောင်းသော အရာဟ ငါနှိုက် မဆီ။

ဂါယုဟို ချီးကျူးခြင်း

⁵ ချစ်လှစွာသော ငါ့မိတ်ဆွေ၊ နင်ဟ ညီအကိုများအပေါ် အထူးသဖြင့် သူစိမ်းဧည့်သည်များအပေါ် လုပ်သမျှသော ဝတ်ဟို သစ္စာဆီစွာ လုပ်တတ်အယ်။

⁶ အေးသူလို့ဟ နင်ရဲ့ ချစ်ခြင်းမေတ္တာအကျောက်အကျန်အသင်းတော်ဆွေနှိုက် သက်သေခံကြအယ်။ နင်ဟ အေးသူလို့ဟို ဘုရားသခင်ရဲ့ အလိုတော်နဲ့အညီ ဆက်လက် ပို့ဆောင်ပေးရင် ကောင်းသောအမှုပြုခြင်း ဖြစ်လိမ့်မယ်။

⁷ အေးသူလို့ဟ မယုံကြည်သော သူလို့ဆေမှ ပစာအရာဟိုမှ မယူဘဲ နာမတော်အတွက် ခရီးပြုကြအယ်။

⁸ အဲကျောနဲ့ ငါလို့ဟ သမ္မာတရားအတွက် သူလို့နဲ့ အတူ အလုပ်လုပ်သောသူ ဖြစ်ကြစေရန် သူလို့ဟို ကူညီထောက်ပံ့သင့်အယ်။

ဒယောတရပ်နဲ့ ဒေမေတရို

⁹ ငါဟ အသင်း တော် ဆေ ဟို စာ က တစ်ရေး ခဲ့သော်လည်း သူလို့တွင် ခေါင်းဆောင်ဖြစ်လိုသော ဒယောတရပ်ဟ ငါလို့ဟို လက်မခံ။

¹⁰ အဲလိုမို့ ငါလာသောအခါ သူလုပ်နေသော အမှုဟို ထောက်ပြမယ်။ သူဟ မကောင်းသော စကားအမျိုးမျိုး လို့ဖြင့် ငါလို့ဟို ကဲ့ရဲ့ပစ်တင်ပင်း အေးလောက်တင်မက မကျေနပ်ဘဲ သူတတ်တိုင်းလည်း ညီအကို မောင်နှမလို့ဟို လက်မခံ၊ လက်ခံချင်သော သူများဟိုလည်း တားမြစ်ယွှေ အသင်းတော်မှ မောင်းထုတ်အယ်။

11 ချစ်လှစွာသော မိတ်ဆွေ၊ မကောင်းသော အမှု
 ဟို အတုမယူဘဲ ကောင်းသော အမှုဟိုသာ အတုယူကြ
 လော့။ ကောင်းသော အမှုဟို ပြုသောသူဟ ဘုရားသခင်
 နဲ့ စပ်ဆိုင်အယ်။ မကောင်းသော အမှုဟို ပြုသောသူဟ
 ဘုရားသခင်ဟို မသိ မမျှော်ဖူးပေ။

12 ဒေမေတရီ အကျောန်းဟို လူအားလုံးလို့မှ စယွေ
 သမ္မာတရားတတ်တိုင်းဟ သက်သေခံအယ်။ ငါလို့ဟ
 လည်း သက်သေခံကြအယ်။ ငါလို့ရဲ့ သက်သေခံချက်ဟ
 မန်ကန်ကျောန်းဟိုလည်း နင်သိအယ်။

နောက်ဆုံး နှုတ်ဆက်စကား

13 နင့်ဆေ ငါ ရေးစရာ ရမ်းဆွဲဆိသော်လည်း မင်နဲ့ က
 လောန်တန်ဖြင့် ငါ ရေးချင်မောင်းလဲ့။

14 နင်နဲ့ အမြန် တွေ့ယွေ မျက်နှာချင်းဆိုင် စကားပြော
 ဆိုရန် ငါ မျော်လင့်ထားအယ်။

15 နင်နှိုက် ငြိမ်သက်ခြင်း ဆိပါစေ။

မိတ်ဆွေ အားလုံး ဟ နင့် ဟို နှုတ်ဆက် ကြ အယ်။
 မိတ်ဆွေလို့ တဦးစီဟို နှုတ်ဆက်ပေးလော့။

ဓမ္မသစ်ကျမ်း နေ့ဘာသာစကား

Danu: ဓမ္မသစ်ကျမ်း နေ့ဘာသာစကား (Bible)

copyright © The Word for the World International

Language: (Danu)

Contributor: The Word for the World International

နေ ဓမ္မသစ်ကျမ်း

The New Testament in Danu Language

The Word for the word

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 1 May 2025 from source files dated 1 May 2025

8aba2da5-2a35-5ff6-9d27-1e96563449b2